



PARTNERIAETH PENSIYNAU CYMRU CYDBWYLLGOR LLYWODRAETHU

20 MEDI 2019

ADRODDIAD BLYNYDDOL WEDI'I ARCHWILIO AC ADRODDIAD ARCHWILIAD 2018/19

ARGYMHELLION / Y PENDERFYNIADAU ALLWEDDOL SY'N OFYNNOL:

Derbyn Adroddiad Blynyddol wedi'i Archwilio ac Adroddiad Archwiliad
Partneriaeth Pensiynau Cymru ar gyfer 2018/19.

RHESYMAU:

Mae Adroddiad Blynyddol wedi cael ei gwblhau ar gyfer Partneriaeth Pensiynau Cymru ar gyfer 2018/19 ac mae Archwilydd Cyffredinol Cymru wedi darparu adroddiad archwiliad ar y datganiad cyfrifon blynyddol sy'n ymwneud â chyd-bwyllgor Partneriaeth Pensiynau Cymru ar gyfer y cyfnod a ddaeth i ben ar 31 Mawrth 2019.

Yng nghyfarfod y CBLI ar 28 Mehefin 2019, rhoddwyd cymeradwyaeth i ddirprwyo'r dasg o gymeradwyo'r Adroddiad Blynyddol wedi'i Archwilio ac adroddiad Archwiliad 2018/19 yn derfynol i Bwyllgor Archwilio'r awdurdod lletya (Cyngor Sir Gâr) ar gyfer 2018/19 yn unig.

Awdur yr Adroddiad:
Chris Moore

Swydd:
Cyfarwyddwr Gwasanaethau
Corfforaethol

Cyngor Sir Gâr

Rhif Ffôn 01267 224160

E-bost:
CMoore@carmarthenshire.gov.uk

CRYNODEB GWEITHREDOL CYDBWYLLGOR LLYWODRAETHU

20 MEDI 2019

ADRODDIAD BLYNYDDOL WEDI'I ARCHWILIO AC ADRODDIAD ARCHWILIAD 2018/19

Ar gyfer cydbwyllgorau gydag incwm a gwariant o dan £2.5 miliwn, mae gofyn i gyfrifon gael eu paratoi ar ffurf adroddiad blynyddol. Gyda Chostau Llywodraethu ar y Cyd o £2.3 miliwn ar gyfer 2018/19, mae adroddiad blynyddol wedi cael ei baratoi ar gyfer PPC.

Yng nghyfarfod diwethaf y CBLI ar 28 Mehefin 2019, cafodd Adroddiad Blynyddol heb ei archwilio ei gymeradwyo. Rhoddwyd cymeradwyaeth hefyd i ddirprwyo'r dasg o gymeradwyo'r Adroddiad Blynyddol wedi'i Archwilio ac adroddiad Archwiliad 2018/19 yn derfynol i Bwyllgor Archwilio'r awdurdod lletya (Cyngor Sir Gâr) ar gyfer 2018/19 yn unig.

Mae Archwilydd Cyffredinol Cymru wedi darparu adroddiad archwiliad ar y datganiad cyfrifon blynyddol sy'n ymwneud â chyd-bwyllgor Partneriaeth Pensiynau Cymru ar gyfer y cyfnod a ddaeth i ben ar 31 Mawrth 2019. Nid oes unrhyw faterion yn achosi pryder nad yw deddfwriaeth a gofynion rheoliadol perthnasol heb eu bodloni.

Mae angen i'r pwyllgor ymdrin ag un mater arall mewn perthynas â gweithdrefnau cyfrifo:

Yn y blynyddoedd i ddod, wrth i Gronfeydd Buddsoddi newydd gael eu datblygu a Chronfeydd Pensiynau unigol aildyrannu eu buddsoddiadau i drefniadau Partneriaeth Pensiynau Cymru, mae'n debygol y bydd angen i'r cydbwyllgor gwblhau set lawn o ddatganiadau ariannol sy'n cydymffurfio â Chod CIPFA. Ar y cyd â'r Cronfeydd Pensiynau cyfansoddol, bydd yn bwysig bod y cydbwyllgor yn cadarnhau'n union pa incwm, gwariant, asedau a rhwymedigaethau y dylid eu cynnwys yn natganiadau ariannol y Pwyllgor yn y blynyddoedd i ddod a beth a ddatgelir mewn cyfrifon Cronfeydd Pensiwn unigol. Dylai'r holl Gronfeydd Pensiwn cyfansoddol roi cyfrif am eu rhan hwy o ddatganiadau ariannol y Pwyllgor a gwneud datgeliadau priodol yn ymwneud â chyd-bwyllgor Partneriaeth Pensiynau Cymru.

Argymhelliad - Mae angen i'r Gweithgor Swyddogion ystyried a chytuno sut fydd incwm, gwariant, asedau a rhwymedigaethau sy'n ymwneud â Phartneriaeth Pensiynau Cymru yn cael eu datgelu yn y cydbwyllgor a'r Cyfrifon Cronfa Bensiwn unigol.

GOBLYGIADAU

Polisi, Trosedd ac Anhrefn a Chydraddoldeb DIM	Cyfreithiol OES	Cyllid OES	Materion Rheoli Risg DIM	Goblygiadau Staffio DIM
Cyfreithiol Cydymffurfiaeth â Rheoliadau Cyfrifon ac Archwilio (Cymru) 2014 a Deddf Archwilio Cyhoeddus (Cymru) 2004.				
Cyllid Cost net gweithgareddau Partneriaeth Pensiynau Cymru oedd £158k, wedi'i rannu'n gyfartal rhwng yr wyth Cronfa Bensiwn yng Nghymru				

YMGYNGHORIADAU

Manylion unrhyw ymgynghoriadau a gynhelir i'w cynnwys yma

Adran 100D Deddf Llywodraeth Leol, 1972 - Mynediad at Wybodaeth Rhestr o'r Papurau Cefndir a ddefnyddiwyd wrth baratoi'r adroddiad hwn: GWELER MANYLION ISOD		
Teitl y Ddogfen	Rhif Cyfeirnod Ffeil	Lleoliad y mae'r papurau ar gael i'r cyhoedd gael eu gweld/DOLEN I'R WEFAN
Rheoliadau Cyfrifon ac Archwilio (Cymru) 2014		Adran Gwasanaethau Corfforaethol, Neuadd y Sir, Caerfyrddin.